

Na osnovu čl. 8. stav 1. i 112. stav 4. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07 i 32/08), Vlada Federacije Bosne i Hercegovine na 109. sjednici, održanoj 16. jula 2009. godine, donosi

UREDBU

O PROSTORNIM STANDARDIMA, URBANISTIČKO - TEHNIČKIM USLOVIMA I NORMATIVIMA ZA SPRJEČAVANJE STVARANJA ARHITEKTONSKO-URBANISTIČKIH PREPREKA ZA LICA SA UMANJENIM TJELESNIM MOGUĆNOSTIMA

I. OPŠTE ODREDBE

Član 1.

Ovom Uredbom utvrđuju se prostorni standardi, urbanističko-tehnički uslovi i normativi za sprječavanje stvaranja arhitektonsko-urbanističkih prepreka koje mogu ometati ili sprječavati kretanje, boravak i rad (u daljnjem tekstu: pristupačnost) lica umanjениh tjelesnih mogućnosti pri zadovoljavanju njihovih osnovnih životnih, radnih i drugih potreba.

Odredbe ove Uredbe ne mogu predstavljati ograničenje za primjenu uslova većeg stepena pristupačnosti kod planiranja i projektovanja građevina javne, poslovne, stambene i stambeno-poslovne namjene, svih drugih javnih površina kao i svih građevinsko-zanatskih i instalaterskih radova, te uslova i načina jednostavnog prilagođavanja pristupačnosti građevina stambene i stambeno-poslovne namjene.

Član 2.

Pristupačnost, unapređivanje pristupačnosti i jednostavno prilagođavanje pristupačnosti građevina iz člana 1. ove Uredbe obezbjeđuje se obaveznim projektovanjem i izvođenjem tih građevina na način da sadrže obavezne uslove te pristupačnosti i/ili da zadovoljavaju uslove upotrebe pomagala različitih kategorija lica umanjениh tjelesnih mogućnosti na način i u slučajevima propisanim ovom Uredbom.

Kada su uslovi pristupačnosti ujedno i dio puta za izlaženje u slučaju opasnosti, tada moraju ispuniti i zahtjeve po posebnom propisu.

Vlasnik građevine dužan je održavati uslove pristupačnosti i ne smije smanjivati uslove upotrebe pomagala različitih kategorija lica umanjениh tjelesnih mogućnosti.

Član 3.

Prikaz oznaka pristupačnosti, uslova upotrebe pomagala i obaveznih uslova pristupačnosti, dat je u prilogu i sastavni je dio ove Uredbe.

Oznake pristupačnosti moraju biti propisane veličine i postavljene na lako uočljivom mjestu.

Član 4.

Značenje pojmova upotrebljenih u ovoj Uredbi su:

1. *Lica umanjениh tjelesnih mogućnosti* jesu sva ona lica čije fizičke ili mentalne tjelesne mogućnosti su iz bilo kojeg razloga umanjene. U njih spadaju: lica sa bilo kojom vrstom stalnog ili privremenog tjelesnog oštećenja, slabovidna i slijepa lica, gluha i nagluha, tjelesno iznemogli, lica iznad 65 godina starosti, trudnice, majke sa malom djecom, mala djeca, lica sa mentalnom retardacijom, rekonvalescenti u postoperativnom periodu itd.

Referentne grupe lica umanjениh tjelesnih mogućnosti na osnovu kojih se definišu arhitektonske prepreke su:

- 1) lica umanjene pokretljivosti: korisnici invalidskih kolica, štaka i štapa,
- 2) slijepi i
- 3) gluhi;
2. *Lica umanjene pokretljivosti* jest lice koje ima privremene ili trajne smetnje pri kretanju usljed tjelesnog oštećenja, iznemoglosti, starosti, trudnoće ili bilo kojeg drugog razloga;
3. *Pomagala lica umanjenih tjelesnih mogućnosti* su pomagala za pokretljivost i pomagala za orijentaciju;
4. *Pomagala za pokretljivost* su invalidska kolica, štake, štap i hodalica;
5. *Pomagala za orijentaciju* su bijeli štap i pas vodič;
6. *Arhitektonska prepreka* jeste komunikacijska i/ili orijentacijska smetnja koja licu umanjenih tjelesnih mogućnosti može ometati i/ili sprječavati u kretanju, pristupu, orijentaciji ili radu;
7. *Pristupačnost* jest rezultat primjene tehničkih rješenja u projektovanju i građenju građevina, kojima se licima umanjenih tjelesnih mogućnosti obezbjeđuje nesmetano kretanje, pristup, boravak i rad u tim građevinama na jednakom nivou kao i ostalim licima;
8. *Pristupačna građevina, njezin dio ili oprema* (rampa, stepenište, lift, vertikalno podizna platforma, koso podizna sklopiva platforma, ulazni prostor, komunikacije, NjC, kupatilo, kuhinja, soba, učionica, radni prostor, stan/apartman, kafana, restoran, kabina za presvlačenje, tuš kabina, ulaz u vodu na plaži i na bazenu, mjesto u gledalištu, telefon, tekstofon, faks, bankomat, elektro instalacije, kvake na vratima i prozorima, pult, oglasni pano, orijentacijski plan za kretanje u građevini, stanica i peron, parking mjesto, javna pješačka površina, semafor, pješački prelaz, pješački otok i raskrsnice) jest ona građevina, dio građevine ili oprema koja obezbjeđuje ispunjavanje obaveznih uslova pristupačnosti propisanih ovom Uredbom;
9. *Obavezni elementi pristupačnosti* su elementi projektovanja i građenja kojima se određuju veličina, svojstva, instalacije, uređaji i druga oprema građevine radi obezbjeđivanja pristupa, kretanja, boravka i rada lica umanjenim tjelesnim mogućnostima na jednakom nivou kao i za ostala lica;
10. *Oznake pristupačnosti* su oznake kojima se označavaju primijenjeni obavezni elementi pristupačnosti;
11. *Inkluzija* jeste uključivanje lica umanjenih tjelesnih mogućnosti u sve društvene tokove;
12. *Inkluzivni dizajn* jeste dizajn prilagođen licima umanjenih tjelesnih mogućnosti;
13. *Jednostavno prilagodljiv stan* jest stan koji se po potrebi može prilagoditi u pristupačni, bezuticaja na bitne zahtjeve za upotrebu građevine;
14. *Vizuelno-svjetlosna najava* jest upozorenje i obavijest gluhom i nagluhom licu putem svjetlosnih signala;
15. *Zvučna najava* jest upozorenje i obavijest slijepom i slabovidnom licu putem zvuka;
16. *Zvučna signalizacija* jest signalizacija koja pomaže slijepim i slabovidnim licima prisnalaženju u prostoru;
17. *Induktivna petlja ili transmisijski obruč* jest instalacija koja se ugrađuje u građevinu radi otklanjanja šumova iz okoline i poboljšanja kvaliteta zvuka;
18. *Taktilna obrada* jest završna reljefna obrada hodne površine;

19. *Taktilna crta vođenja* jest taktilna obrada hodne površine po pravcu hodne linije, namijenjena ođenju slijepih i slabovidnih lica. Kraj puta vođenja i promjene smjera vođenja označavaju se promjenom u strukturi reljefne obrade;
20. *Taktilna crta upozorenja* jest promjena u strukturi obrade hodne površine, koja se postavlja sa svrhom upozorenja slijepim i slabovidnim licima o opasnost od saobraćaja;
21. *Taktilno polje upozorenja* jest promjena u strukturi obrade hodne površine, koja služi za upozorenje i obavješćavanje slijepim i slabovidnim licima o promjeni nivoa kretanja;
22. *Taktilni plan prelaza* jest reljefna oznaka koja slijepim i slabovidnim licima pruža informacije dužini i vrsti pješackog prelaza preko saobraćajnice.
23. *Tekstofon* jest prilagođeni telefon za gluhe i lica oštećenog sluha, pri čemu oba sagovornika pisano komuniciraju;
24. *Javna pješačka površina* jest: trotoar, pješačka staza, pješački trg, pješački nathodnik i pothodnik, pješački most i sl.;
25. *Tipski element* jest predmet kojem je namjena razgraničavanje javne pješačke površine od ceste, biciklističke staze i/ili parkinga, a može biti različitog oblika i druge primarne namjene (npr.: žardinjera za cvijeće, zid, klupa i sl.).

Član 5.

Obaveze iz ove Uredbe odnose se na građevine javne i poslovne namjene, te na građevine stambene i stambeno-poslovne namjene.

Građevine javne i poslovne namjene su:

1. građevine trgovačke, ugostiteljske i/ili turističke namjene su: robna kuća; trgovački i uslužnicentar; samoposluživanje uslužne površine od 400 m² i više; tržnica, caffè bar, kafana i restoran s 80 i više sjedećih mjesta; disko klub i noćni klub, površine od 400 m² i više; turistički informativni centar; ured turističke zajednice površine od 200 m² i više; putnička agencija površine od 200 m² i više; zasebno stojeća recepcija; građevina nautičkog turizma; hotel (soba/TNjC) s 50 i više soba; hostel s 50 i više soba sa zajedničkim sanitarnim jedinicama; turističko naselje s 50 i više apartmana; kamp za 500 i više gostiju; restoran uz javnu cestu; hotel s posebnom oznakom - motel uz javnu cestu; trgovačko-ugostiteljski sadržaj uz benzinske pumpe i sl.;
2. građevine poštanske i/ili telekomunikacijske namjene su: poštanska dvorana za rad sa strankama s manje od tri šaltera ili pulta istog tipa poslovanja; poštanska dvorana za rad sa strankama s tri i više šaltera ili pulta istog tipa poslovanja; telekomunikacioni centar za pružanje usluga korisnicima s manje od tri šaltera ili pulta istog tipa poslovanja; telekomunikacioni centar za pružanje usluga korisnicima s tri i više šaltera ili pulta istog tipa poslovanja; građevina u kojoj se nude telekomunikacione usluge telefoniranja, faksiranja i sl. s tri ili više uređaja i sl.;
3. građevine za pružanje usluga prometa novcem i druge finansijske usluge su: poslovnica banke s manje od tri šaltera ili pulta istog tipa poslovanja; poslovnica banke s tri i više šaltera ili pulta istog tipa poslovanja; poslovnica finansijske agencije s manje od tri šaltera ili pulta istog tipa poslovanja; poslovnica finansijske agencije s tri i više šaltera ili pulta istog tipa poslovanja i sl.;
4. građevine upravne i slične namjene su: građevina u kojoj djeluju tijela federalne, kantonalne uprave i lokalne samouprave; sudska vlast; pravna lica s javnim ovlaštenjima i druga pravna lica i sl.;
5. građevine zdravstveno-socijalne i rehabilitacijske namjene su: kancelarija/služba socijalno-zdravstvene zaštite; apoteka i prodavnica ortopedskih pomagala; apoteka i prodavnica ortopedskih pomagala s tri i više šaltera ili pulta istog tipa poslovanja; ambulanta; dom zdravlja; bolnica; banja; zatvoreni bazen u banji; otvoreni bazen u banji; banjska plaža; zatvoreno banjsko kupalište/toplice; javno kupalište; dom za starija i nemoćna lica s 20 i više soba sa

zajedničkim sanitarnim jedinicama; dom za starija i nemoćna lica hotelskog tipa (soba/TNjC) s 20 i više soba; dom za starija lica apartmanskog tipa s 20 i više apartmana; narodna kuhinja i sl.;

6. građevine u kojoj učestalo borave lica s invaliditetom su: građevina u kojoj se nalaze poslovne prostorije saveza, društva i/ili udruženja lica s invaliditetom; ustanova za odgoj i obrazovanje lica s invaliditetom; ustanova za rehabilitaciju; ustanova za smještaj lica s invaliditetom i sl.;

7. građevine odgojne i obrazovne namjene su: dječiji vrtić; škola, ustanova za obrazovanje odraslih lica, univerziteti; učenički i studentski dom s 50 i više soba sa zajedničkim sanitarnim jedinicama; učenički i studentski dom hotelskog tipa (soba/TNjC) s 50 i više soba; studentska apartmanska naselja s 50 i više apartmana i sl.;

8. građevine kulturne namjene su: univerzitetska biblioteka; kulturni centar; kongresni centar; muzej, galerija, izložbeni prostor površine 300 m² i više; kino, pozorište i koncertna dvorana sa 100 i više mjesta u gledalištu i sl.;

9. građevine saobraćajne namjene su: aerodrom; autobuska i željeznička stanica; autobuska, trolejbuska i tramvajska stanica, željeznički peron, odmorište uz javne ceste; javni parking; javna garaža; benzinska pumpa i sl.;

10. građevine sportske i rekreacione namjene su: sportski teren; sportske dvorane sa 100 i više mjesta u gledalištu i sl.;

11. građevine zabavne namjene su: zabavni park; zoološki i botanički vrt i sl.;

12. građevine vjerske i sakralne namjene su: obredna dvorana; vjerski i karitativni centar;

13. građevine za izvršavanje kazne zatvorom su: zatvor; odgojni zavod i sl.;

14. prostori i površine javne namjene su: pješački trg, ulica, staza u parku, dječijem igralištu i na šetalištu; pothodnik, nathodnik i pješački most; ulični prelaz i sl.;

15. građevine ostale namjene su: sajamski i izložbeni centar; tehnološki park; javni NjC; građevina u kojoj je obavezno izvođenje 4 ili više NjC jedinica za javnu upotrebu; mrtvačnica i krematorij; javno sklonište i sl.

Građevine stambene i stambeno-poslovne namjene su:

1. stambena građevina s deset i više stanova, isključivo stambene namjene;

2. stambeno-poslovna građevina mješovite - stambene i druge namjene, koja ima deset i više stanova.

Kada u građevini stambene namjene postoji prostor javne ili poslovne namjene tada se na tu građevinu, ovisno o vrsti djelatnosti koja se u tom prostoru obavlja, primjenjuju odredbe ove Uredbe kojima se propisuju uslovi za odgovarajuću građevinu iz stava 2. ovoga člana.

Obaveze ispunjavanja uslova iz ove Uredbe, osim građevina iz st. 2. i 3. ovoga člana moraju ispunjavati i druge građevine određene ovom Uredbom.

Član 6.

Pod uslovima upotrebe pomagala licima s umanjanim tjelesnim mogućnostima (u daljnjem tekstu: uslovi upotrebe pomagala) podrazumijeva se:

- 1) prostor potreban za kretanje lica u invalidskim kolicima prikazan primjerom na slici 2. Priloga ove Uredbe,
- 2) prostor potreban za upotrebu štapa, štaka, hodalica prikazan primjerom na slici 3. Priloga ove Uredbe, i

3) prostor potreban za upotrebu bijelog štapa i psa vodiča prikazan primjerom na slici 4. Priloga ove Uredbe.

Ako ovom Uredbom za određenu građevinu nije određen obavezni uslov pristupačnosti, tehničko rješenje građevine mora udovoljavati uslovima upotrebe pomagala.

II. OBAVEZNI USLOVI PRISTUPAČNOSTI

Član 7.

Obavezni uslovi pristupačnosti su:

- A. uslovi pristupačnosti za savladavanje visinskih razlika,
- B. uslovi pristupačnosti za samostalan život i
- C. uslovi pristupačnosti javnog saobraćaja.

Obavezni uslovi pristupačnosti primjenjuju se odabirom najpovoljnijeg rješenja u odnosu na namjenu i drugi značaj građevine.

Član 8.

Taktilna površina

Pristupačna taktilna površina izvodi se reljefnom obradom visine do 5 mm na način da ne otežava kretanje invalidskih kolica, da je prepoznatljiva na dodir stopala ili bijelog štapa, da ne zadržava vodu, snijeg i prljavštinu, te da se lako održava.

Primjer pristupačne taktilne površine prikazan je na slici 5. Priloga ove Uredbe.

Najmanje dimenzije taktilne površine i mjesta na kojima je obavezna njena primjena određena su ovisno o svakom pojedinom uslovu pristupačnosti propisane ovom Uredbom.

Taktilna linija vođenja, taktilna linija upozorenja i/ili taktilno polje upozorenja, obavezno moraju imati karakteristike propisane za taktilnu površinu.

A. USLOVI PRISTUPAČNOSTI ZA SAVLADAVANJE VISINSKIH RAZLIKA

Član 9.

Za potrebe savladavanja visinskih razlika prostora kojim se kreću lica umanjениh tjelesnih mogućnosti mogu se koristiti sljedeći uslov pristupačnosti: rampa (u daljnjem tekstu: kosina), stepenice, lift, vertikalno podizna platforma i koso podizna sklopiva platforma.

Član 10.

Kosina

Kosina se koristi kao uslov pristupačnosti za potrebe savladavanja visinske razlike u unutrašnjem ili vanjskom prostoru.

Kosina mora omogućavati ispunjavanje sljedećih uslova, odnosno imati:

- 1) dopušteni nagib do max. 6%,
- 2) svijetlu širinu od tačno 90 cm,

- 3) odmorišni podest najmanje dužine od 150 cm na maksimalno svakih 6 m dužine kosine,
- 4) ukoliko se mijenja pravac kosine, odmorišni podest čije dimenzije su jednake dimenzijama prostora potrebnog za izvođenje odgovarajućeg okreta invalidskim kolicima (za 900, 1800),
- 5) čvrstu, protivklizno obrađenu površinu, podesnu za održavanje,
- 6) u poprečnom presjeku rubnike visine 10 cm,
- 7) ogradu s rukohvatima izvedenu na svim dijelovima,
- 8) rukohvate koji su promjera 4 cm, oblikovani na način da se mogu obuhvatiti dlanom, postavljeni na dvije visine od 60 i od 90 cm, produženi u odnosu na nastupnu plohu kosine za 30 cm, sa zaobljenim završetkom, prema primjeru na slici 7. Priloga ove Uredbe,
- 9) na ogradi kosine koja se nalazi u vanjskom prostoru rukohvate izvedene od materijala koji nije osjetljiv na termičke promjene,
- 10) oznake pristupačnosti prema slici 1. i to: 1.5., 1.7. i 1.8. Priloga ove Uredbe.

Član 11. Stepenište

Stepenište mora omogućavati ispunjavanje sljedećih uslova, odnosno imati:

- 1) visinu stepenice od najviše 15 cm,
- 2) širinu nastupne plohe stepenice od najmanje 33 cm,
- 3) svijetlu širinu stepenišnog kraka u unutrašnjem prostoru najmanje 110 cm,
- 4) svijetlu širinu stepenišnog kraka u vanjskom prostoru najmanje 120 cm,
- 5) ivicu nagazne plohe stepenice protivklizno i vizuelno kontrastno obrađen u širini od najmanje 2 cm,
- 6) obostrano postavljene rukohvate (na dvije zaštitne ograde ili zaštitnoj ogradi stepeništa i na zidu ili na dva zida), izvedene u kontinuitetu cijelom dužinom stepeništa, na početku i na kraju stepeništa produžene u odnosu na nagaznu plohu stepenice za 30 cm, sa zaobljenim završetkom, rukohvate stepeništa izvedene na način da se mogu obuhvatiti dlanom,
- 7) rukohvate na ogradi stepeništa u vanjskom prostoru izvedene od materijala koji nije osjetljiv na termičke promjene,
- 8) rukohvate koji su promjera 4 cm, oblikovani na način da se mogu obuhvatiti dlanom, postavljeni na dvije visine od 60 i od 90 cm, produženi u odnosu na nastupnu plohu kosine za 30 cm, sa zaobljenim završetkom, prema primjeru na slici 7. Priloga ove Uredbe,
- 9) stepenišni krak širine 250 cm i više, izveden sa središnjim rukohvatom prema primjeru na slici 9. Priloga ove Uredbe,
- 10) prostor ispod početnog stepenišnog kraka ograđen ogradom visine 70 cm do mjesta gdje je visina podgleda stepenišnog kraka 210 cm ili pod ispod stepenišnog kraka denivelisan podizanjem za najmanje 3 cm do mjesta gdje je visina podgleda stepenišnog kraka 210 cm, prema primjeru na slici 10. Priloga ove Uredbe,

- 11) pred prvom i iza posljednje stepenice izvedeno taktilno polje upozorenja, u punoj širini stepenišnog kraka, širine najmanje 40 cm s užljebljenjima okomito na smjer kretanja u skladu s odredbama člana 8. ove Uredbe,
- 12) oznake pristupačnosti prema slici 1. i to: 1.2., 1.3., 1.5., 1.6. i 1.9. Priloga ove Uredbe.

Primjer stepeništa i uslovi iz stava 1. ovoga člana prikazani su na slici 8. Priloga ove Uredbe.

Član 12.

Lift

Lift se koristi kao uslov pristupačnosti za potrebe savladavanja visinske razlike.

Obavezno se primjenjuje za savladavanje visinske razlike od minimalno jedne etaže u unutrašnjem prostoru.

Lift mora omogućavati ispunjavanje sljedećih uslova, odnosno imati:

- 1) put od pristupa građevini do vrata lifta pristupačno riješen u svim elementima,
- 2) zaustavne stanice koje ne smiju biti isprojektovane na međuspratnim podestima,
- 3) unutrašnje dimenzije lifta najmanje 110 x 140 cm,
- 4) vrata širine svijetlog otvora najmanje 90 cm,
- 5) vertikalnu preciznost zaustavljanja u odnosu na završnu površinu ploče etaže od max. $\pm 0,5$ cm,
- 6) horizontalnu preciznost zaustavljanja u odnosu na rub ploče etaže ka oknu lifta od max. 2 cm,
- 7) pozivnu i upravljačku ploču postavljenu u rasponu visine od 90 do 120 cm,
- 8) pozivnu i upravljačku ploču s kontrastno obojenim tipkama, opremljenim arapskim i Brailleovim pismom,
- 9) rukohvat u liftu na visini od 90 cm,
- 10) preklopivo sjedište na visini od 40 do 45 cm,
- 11) vizuelno-svjetlosnu i zvučnu najavu spratova,
- 12) kada se nalazi u građevini javne i poslovne namjene iz člana 5. stava 2. tač. 5. i 6. ove Uredbe lift mora imati i govorno najavljivanje spratova,
- 13) od ulaznih vrata građevine do lifta postavljenu taktilnu liniju vođenja širine najmanje 40 cm, s užljebljenjima u smjeru vođenja,
- 14) oznake pristupačnosti prema slici 1. i to: 1.2., 1.3., 1.4. i 1.10. Priloga ove Uredbe.

Primjer lifta i uslovi iz stava 2. ovog člana prikazani su na slici 11. Priloga ove Uredbe.

Kada se savladavanje visinske razlike rješava s više liftova, tada najmanje jedan lift mora biti riješen prema odredbama stava 2. ovoga člana.

Član 13.

Vertikalno podizna platforma

Vertikalno podizna platforma se koristi kao uslov pristupačnosti za potrebe savladavanja visinske razlike veće od 120 cm u unutrašnjem ili vanjskom prostoru, kada se isto ne rješava pristupačnim liftom ili drugim uslovima pristupačnosti propisanim ovom Uredbom.

Vertikalno podizna platforma mora omogućavati ispunjavanje sljedećih uslova, odnosno imati:

- 1) nagaznu plohu platforme veličine najmanje 110 x 140 cm,
- 2) bočne stranice platforme zatvorene do visine od 120 cm,
- 3) ulazna vrata širine svijetlog otvora najmanje 90 cm koja se otvaraju prema vani,
- 4) pozivnu i upravljačku ploču postavljenu u rasponu visine od 90 do 120 cm,
- 5) oznaku pristupačnosti prema slici 1.11. Priloga ove Uredbe.

Primjer vertikalno podizne platforme i uslovi iz stava 2. ovog člana prikazani su na slici 12. Priloga ove Uredbe.

Član 14. Koso podizna sklopiva platforma

Koso podizna sklopiva platforma koristi se kao uslov pristupačnosti za potrebe savladavanja visinske razlike veće od 120 cm u unutrašnjem ili vanjskom prostoru, kada se isto ne može riješiti liftom ili drugim uslovima pristupačnosti propisanim ovom Uredbom.

Koso podizna sklopiva platforma postavlja se na središnje stepenišne zidove ili središnju stepenišnu ogradu (zidove ili ogradu ka oknu stepeništa), koja se vodi dužinom cijelog stepeništa, a mora imati:

- 1) nagaznu plohu platforme veličine najmanje 90 x 100 cm,
- 2) bočnu podnu preklopnu zaštitu visine 20 cm i preklopni zaštitni rukohvat,
- 3) pozivnu i upravljačku ploču postavljenu u rasponu visine od 90 do 120 cm,
- 4) oznaku pristupačnosti prema slici 1.12. Priloga ove Uredbe.

Primjer koso podizne sklopive platforme i uslovi iz stava 2. ovog člana prikazani su na slici 13. Priloga ove Uredbe.

B. USLOVI PRISTUPAČNOSTI SAMOSTALNOG ŽIVOTA

Član 15.

Licima umanjениh tjelesnih mogućnosti u svrhu omogućavanja samostalnog života obezbjeđuju se sljedećim uslovima pristupačnosti: ulazni prostor; komunikacije, NjC, kupatilo, kuhinja, soba, učionica, radni prostor, stan, kabina za presvlačenje, tuš kabina, ulaz u vodu na plaži i na bazenu, mjesto u gledalištu, telefon, tekstofon, faks, bankomat, elekto instalacije (portafon, prekidač za svjetlo i zvonice, utičnica u kuhinji, ostale utičnice, izvodna ploča za električnu instalaciju), kvake na vratima i prozorima, šalter, pult, induktivna petlja ili transmisijski obruč, oglasni pano, orijentacioni plan za kretanje u građevinama i sl.

Član 16. Ulazni prostor

Ulazni prostor u građevinu je ulaz do kojeg se dolazi direktno s javne pješačke površine ili uz pomoć uslova pristupačnosti za savladavanje visinskih razlika.

Ulazni prostor mora omogućavati ispunjavanje sljedećih uslova, odnosno imati:

- 1) jednokrilna vrata širine svijetlog otvora od najmanje 110/210 cm, ili dvokrilna vrata širine svijetlog otvora od najmanje 2 x 90/210 cm,
- 2) vrata koja se otvaraju prema vani,
- 3) pristupačnu kvaku prema odredbama člana 30. ove Uredbe,
- 4) prag vrata koji nije viši od 2 cm,
- 5) strugač i otirač izvedene od materijala koji nije ugibljiv, ugrađene u nivou poda,
- 6) u slučaju kada su glavna ulazna vrata kružna, uz njih obavezno standardna vrata širine svijetlog otvora najmanje 90 cm,
- 7) u slučaju kada su glavna ulazna vrata klizna svijetli otvor od najmanje 90/210 cm, a ispred vrata obezbjeđen upotrební prostor veličine najmanje 150 x 150 cm,
- 8) oznaku smjera otvaranja vrata,
- 9) u slučaju kada su ulazna vrata i pregradne stijene ulaznog prostora izrađeni od staklenih ploha površine veće od 1,5 m² bez prečki, uočljivo oznaku u rasponu visine od 90 do 160 cm,
- 10) vjetrobran minimalne dužine od 240 cm,
- 11) kod usmjeravajućeg ulaza obezbjeđen i prolaz sa zaokretnom ogradom svijetle širine najmanje 90 cm,
- 12) osvjtljenje nivoa osvjtljenja od 200 luxa,
- 13) odgovarajuće električne instalacije u skladu sa odredbom člana 29. ove Uredbe,
- 14) oznake pristupačnosti prema slici 1. i to: 1.2., 1.3., 1.6. i 1.13. Priloga ove Uredbe.

Primjer ulaznog prostora i uslovi iz stava 2. ovog člana prikazani su na slici 14. Priloga ove Uredbe.

Član 17. Komunikacije

Komunikacije moraju omogućavati ispunjavanje sljedećih uslova, odnosno imati:

- 1) širinu hodnika najmanje 150 cm,
- 2) sve hodne površine, u pravilu, u istom nivou,
- 3) hodne površine koje nisu u istom nivou, međusobno povezane elementima pristupačnosti za savladavanje visinskih razlika u skladu sa odredbama ove Uredbe,
- 4) vrata na komunikacijama izvedena bez praga, širine svijetlog otvora najmanje 90 cm,
- 5) vrata s pristupačnom kvakom prema odredbama člana 30. ove Uredbe,

- 6) ulazna vrata koja s komunikacija vode u druge prostore i prostorije, stanove i sl. izvedena s pragom koji nije viši od 2 cm,
- 7) u slučaju kada su vrata i pregradne stijene komunikacije izrađene od staklenih ploha površine veće od 1,5 m², bez prečki, uočljivu oznaku u rasponu visine od 90 do 160 cm,
- 8) područje za kretanje osvijetljeno nivoom osvjjetljenja od 100 luxa,
- 9) na mjestima gdje se ogradama usmjerava kretanje, razmak između ograda od najmanje 90 cm, svu instalacijsku i drugu opremu širu od 10 cm ugrađenu i/ili postavljenu u niše u zidu (protivpožarni aparati, vatrogasna crijeva i sl.),
- 10) odgovarajuće električne instalacije u skladu sa odredbom člana 29. ove Uredbe,
- 11) oznake pristupačnosti prema slici 1. i to: 1.1., 1.2., 1.3., 1.6. i 1.8. Priloga ove Uredbe,
- 12) sve ostale oznake na komunikacijama postavljaju se u rasponu visine od 120 do 160 cm.

Primjer komunikacije i uslovi iz stava 1. ovog člana prikazani su na slici 15. Priloga ove Uredbe.

Član 18. NjC

NjC mora omogućavati ispunjavanje sljedećih uslova, odnosno imati:

- 1) vrata širine svijetlog otvora najmanje 90 cm, koja se otvaraju prema vani,
- 2) pristupačnu kvaku na vratima prema odredbi člana 30. ove Uredbe,
- 3) ugrađen mehanizam za otvaranje vrata izvana u slučaju poziva u pomoć,
- 4) odgovarajuće električne instalacije u skladu sa odredbom člana 29. ove Uredbe,
- 5) konzolnu NjC školjku, zajedno s daskom za sjedenje visoku od 45 do 50 cm,
- 6) uz NjC školjku dva sklopiva držača za ruke duljine 90 cm, postavljena na zid u rasponu visine od 80 do 90 cm iznad površine poda,
- 7) najmanje jedan držač za ruke koji mora biti preklopni i to obavezno onaj s pristupne strane NjC školjke, a drugi može biti fiksno pričvršćen na zid,
- 8) pokretač uređaja za ispuštanje vode u NjC školjku postavljen na visini od 70 cm iznad površine poda ili izvedeno senzorsko ispuštanje vode u NjC školjku,
- 9) inkluzivno oblikovan konzolni umivaonik najmanje širine 60 cm na visini od 80 cm, sa sifonom smještenim u ili uz zid,
- 10) slavinu - jednoručnu miješalicu ili ugrađeno senzorsko otvaranje i zatvaranje vode,
- 11) širinu upotrebnog prostora ispred NjC školjke najmanje 90 cm,
- 12) širinu upotrebnog prostora ispred umivaonika najmanje 90 cm,
- 13) slobodni prostor za okretanje invalidskih kolica najmanje površine kruga promjera od 150 cm,

- 14) nagibno zaokretno ogledalo, donjim rubom postavljeno na visinu od 100 cm,
- 15) vješalicu za odjeću na visini od 120 cm,
- 16) alarmni uređaj s prekidačem na pritisak ili vrpcom za povlačenje, na visini od 60 cm,
- 17) svu drugu opremu dostupnu iz invalidskih kolica koja ne smeta kretanju, učvršćenu na zid,
- 18) obojenu kontrastno u odnosu na pod i zidove,
- 19) u slučaju da je NjC u javnoj upotrebi, obavezno zaseban ulaz, izdvojen od muških i ženskih sanitarnih grupa,
- 20) ukoliko zbog skučenosti prostora pristupačnu NjC-kabinu nije moguće posebno izdvojiti, dozvoljeno ju je priključiti ženskoj sanitarnoj grupi,
- 21) od ulaznih vrata građevine do vrata javnog NjC-a postavljenu taktilnu crtu vođenja u širini od najmanje 40 cm, s užljebljenjima u smjeru vođenja,
- 22) oznaku pristupačnosti prema slici 1.14. Priloga ove Uredbe.

Primjeri NjC-a i uslovi iz stava 1. ovog člana prikazani su na slici 16. Priloga ove Uredbe.

NjC u sklopu pristupačnog stana i u okviru soba i/ili apartmana u građevinama kao na primjer: hotel, đučki i studentski dom, dom za starija i nemoćna lica i sl., mora ispunjavati uslove iz stava 1. ovoga člana, osim uslova propisanih al.1., 3., 19., 20. i 21. Ulazna vrata takvog NjC-a mogu imati širinu svijetlog otvora od najmanje 80 cm.

Član 19. Kupatilo

Kupatilo mora omogućavati ispunjavanje sljedećih uslova, odnosno imati:

- 1) standardnu kadu visine gornjeg ruba najviše 50 cm i/ili inkluzivno dizajniranu kadu sa vratima na prednjoj ili bočnoj strani i/ili prostor za tuširanje izveden bez tuš-kabine, veličine najmanje 90 x 90 cm,
- 2) dizalo za kadu, osim u slučaju kada je riječ o inkluzivno dizajniranoj kadi ili se uz kadu postavlja i prostor za tuširanje,
- 3) držač za ruke uz kadu postavljen u rasponu visine od 80 do 90 cm od površine poda, odnosno držač uz prostor za tuširanje postavljen na visinu od 75 cm,
- 4) u prostoru za tuširanje vodootporno preklopno sjedalo postavljeno u rasponu visine od 45 do 50 cm,
- 5) svu opremu dostupnu iz invalidskih kolica koja ne smeta kretanju, učvršćenu na zid, obojenu kontrastno u odnosu na pod i zidove,
- 6) opremu propisanu za pristupačni NjC u skladu sa odredbom člana 18. ove Uredbe i to: umivaonik, ogledalo, slavinu, vješalicu, alarmni uređaj, NjC školjku i uređaj za ispuštanje vode u NjC školjku, ako je kupatilo predviđeno s NjC-om u istom prostoru,
- 7) širinu vrata svijetlog otvora od najmanje 80 cm,
- 8) širinu vrata svijetlog otvora od najmanje 90 cm, ako se u kupatilu ulazi s javne komunikacije (npr. u bolnicama, lječilištima i sl.),

- 9) vrata i prozore s pristupačnim kvakama u skladu sa odredbom člana 30. ove Uredbe,
- 10) odgovarajuće električne instalacije i izvodi vode (slavine u laboratorijima, npr.) u skladu sa odredbom člana 29. ove Uredbe,
- 11) oznaku pristupačnosti prema slici 1. Priloga ove Uredbe i to: 1.14 i 1.15.

Primjeri kupatila i uslovi iz stava 1. ovog člana prikazani su na slici 17. Priloga ove Uredbe.

U građevinama zdravstveno-socijalne i rehabilitacijske namjene, te onima koje učestalo koriste lica s invaliditetom, kada treba biti dostupna s tri strane.

Član 20. Kuhinja

Kuhinja mora omogućavati ispunjavanje sljedećih uslova, odnosno imati:

- 1) slobodnu radnu plohu dužine najmanje 90 cm,
- 2) radnu, grijaću plohu i sudoper konzolno izvedene, s dubinom pristupa od najmanje 50 cm, gornjom plohom na visini od najviše 85 cm, a podgled na visini od najmanje 70 cm,
- 3) viseće elemente postavljene donjim rubom na visinu od 120 cm od površine poda,
- 4) donje elemente na izvlačenje,
- 5) slobodni upotrebni prostor za korištenje kuhinjskih elemenata i okretanje invalidskih kolica najmanje površine kruga promjera od 150 cm;
- 6) prostor za kretanje oko namještaja širine najmanje 120 cm,
- 7) ulazna vrata širine svijetlog otvora najmanje 80 cm,
- 8) vrata i prozore s pristupačnim kvakama u skladu sa odredbom člana 30. ove Uredbe,
- 9) odgovarajuće električne instalacije i izvodi vode (slavine u laboratorijima, npr.) u skladu sa odredbom člana 29. ove Uredbe,
- 10) oznaku pristupačnosti prema slici 1.1. Priloga ove Uredbe, u slučaju kada se pristupačna kuhinja nalazi izvan stana/apartmana, na primjer: u kampu i sl.

Primjeri kuhinje i uslovi iz stava 1. ovog člana prikazani su na slici 18. Priloga ove Uredbe.

Član 21. Soba, učionica, radni prostor

Soba, učionica, radni prostor moraju omogućavati ispunjavanje sljedećih uslova, odnosno imati:

- 1) slobodni prostor za okretanje invalidskih kolica u prostoriji, najmanje površine kruga promjera od 150 cm,
- 2) prostor za kretanje oko namještaja širine najmanje 120 cm,
- 3) radni sto konzolno izveden tako da je gornja ploha na visini od najviše 85 cm, a podgled na visini od najmanje 70 cm s dubinom pristupa od najmanje 50 cm,

- 4) ulazna vrata učionice i radnog prostora širine svijetlog otvora najmanje 90 cm, a sobe najmanje 80 cm,
- 5) vrata i prozore s pristupačnim kvakama u skladu sa odredbom člana 30. ove Uredbe,
- 6) odgovarajuće električne instalacije i izvodi vode (slavine u laboratorijima, npr.) u skladu sa odredbom člana 29. ove Uredbe,
- 7) oznaku pristupačnosti prema slici 1.1. Priloga ove Uredbe, osim sobe u sklopu stana/apartmana.

Primjeri sobe, učionice, radnog prostora i uslovi iz stava 1. ovog člana prikazani su na slici 19., 20. i 21. Priloga ove Uredbe.

Član 22. Stan

Stan mora sadržavati uslove samostalnog života namijenjene stanovanju iz čl. 18., 19., 20., 21., 29. i 30. ove Uredbe, te do njega mora biti obezbijeđen pristup s javne pješačke površine, u pravilu, kroz glavni ulaz u građevinu primjenom najprikladnijih rješenja pristupačnosti za savladavanje visinskih razlika u skladu sa čl. 10., 11., 12., 13. i 14. ove Uredbe.

Kad se u građevini u kojoj se nalazi stan planira garažni prostor, od garažnog prostora do tog stana moraju se obezbijediti komunikacije u skladu sa članom 17. ove Uredbe.

Jednostavno prilagodljiv stan se u pravilu gradi u prizemlju građevine, odnosno na etaži s koje je najlakše osigurati izlaz u siguran prostor u slučaju opasnosti.

Osim uslova iz stava 1. ovoga člana, stan mora omogućavati ispunjavanje sljedećih uslova, odnosno imati:

- 1) ulazna vrata širine svijetlog otvora najmanje 110 cm,
- 2) preostala vrata širine svijetlog otvora najmanje 80 cm,
- 3) vrata i prozore s pristupačnim kvakama u skladu sa odredbom člana 30. ove Uredbe,
- 4) pragove zaobljene i ne više od 2 cm,
- 5) hodnike širine najmanje 150 cm,
- 6) odgovarajuće električne instalacije i izvodi vode (slavine u laboratorijima, npr.) u skladu sa odredbom člana 29. ove Uredbe,
- 7) oznaku pristupačnosti prema slici 1.1. Priloga ove Uredbe.

Primjeri stana, odnosno apartmana i uslovi iz st. 1. i 4. ovoga člana prikazani su na slikama 22. i 23. Priloga ove Uredbe.

Pri projektiranju i građenju građevina iz člana 5. stava 3. obavezno se osigurava 10 % + 1 jednostavno prilagodljiv stan.

Jednostavno prilagodljivim stanom smatra se stan kod kojeg je moguće postići uslove iz st. 1., 2., 3. i 4. ovoga člana, preinačenjima koja ne utiču na način ispunjavanja urbanističko - tehničkih uslova u skladu s kojim je građevina izgrađena i/ili bitnih zahtjeva za građevinu. Tehničko rješenje jednostavnog prilagođavanja mora biti prikazano u glavnom i izvedbenom projektu građevine.

Pri projektovanju i građenju turističkih i studentskih apartmanskih naselja obavezno se obezbjeđuje 2 % + 1 prilagođeni apartman. Pri projektovanju domova za starija lica apartmanskog tipa obavezno se obezbjeđuje 5 % + 1 prilagođeni apartman.

Obavezni elementi pristupačnosti propisani za stanove primjenjuju se i na apartmane.

Član 23. Kafane i restoran

Kafane i restoran moraju obavezno sadržavati uslove pristupačnosti iz člana 16. za ulazni prostor, člana 17. za komunikacije i člana 18. za NjC ove Uredbe.

Osim uslova iz stava 1. ovoga člana kafana i restoran moraju omogućavati ispunjavanje sljedećih uslova, odnosno imati:

- 1) osiguran prolaz između stolova, stolica i drugih vertikalnih prepreka širine najmanje 100 cm za najmanje 20% upotrebne površine kafane ili restorana namijenjene korisnicima usluga,
- 2) šank i stolovi konzolno izvedeni tako da je gornja ploha na visini od najviše 85 cm, a podgled na visini od najmanje 70 cm s dubinom pristupa od najmanje 50 cm, za najmanje 20% tog inventara,
- 3) završnu obradu zidova, podova i vrata izvedenu kontrastno,
- 4) podnu oblogu od čvrstog materijala koja ne otežava kretanje invalidskih kolica,
- 5) u slučaju kada su vrata i pregradne stijene kafane i/ili restorana izrađeni od staklenih ploha površina većih od 1,5 m² bez prečki, uočljivo oznaku na visini od 90 do 160 cm,
- 6) vrata s pristupačnom kvakom u skladu sa odredbom člana 30. ove Uredbe koja je bojom u kontrastu s podlogom vrata,
- 7) oznaku pristupačnosti prema slici 1. i to 1.13. i 1.16. Priloga ove Uredbe.

Primjer kafane i restorana i uslovi iz st. 1. i 2. ovoga člana prikazani su na slici 24. Priloga ove Uredbe.

Član 24. Kabina za presvlačenje

Kabina za presvlačenje mora omogućavati ispunjavanje sljedećih uslova, odnosno imati:

- 1) tlocrtnu dimenziju najmanje 160 x 210 cm,
- 2) vrata, s pristupačnom kvakom u skladu sa odredbom člana 30. ove Uredbe, širine svijetlog otvora najmanje 90 cm, koja se otvaraju prema vani,
- 3) vješalicu za odjeću na visini od 120 cm,
- 4) klupu na preklapanje postavljenu u rasponu visine od 45 do 50 cm,
- 5) oznaku pristupačnosti prema slici 1.1. Priloga ove Uredbe.

Primjer kabine i uslovi iz stava 1. ovoga člana prikazani su na slici 25. Priloga ove Uredbe.

U građevini koja prema članu 44. ove Uredbe mora sadržavati kabinu za presvlačenje, obavezno je izvesti 10 % + 1 pristupačnu kabinu.

Član 25. Tuš kabina

Tuš kabina mora omogućavati ispunjavanje sljedećih uslova, odnosno imati:

- 1) tlocrtnu dimenziju najmanje 230 x 230 cm,
- 2) vrata, s pristupačnom kvakom u skladu sa odredbom člana 30. ove Uredbe, širine svijetlog otvora najmanje 90 cm, koja se otvaraju prema vani,
- 3) odgovarajuće električne instalacije i izvodi vode (slavine u laboratorijima, npr.) u skladu sa odredbom člana 29. ove Uredbe,
- 4) površinu prostora ispod tuša najmanje 90 x 90 cm, izvedenu bez pragova s nagibom za odvod vode,
- 5) jednoručnu ili slavinu s ugrađenim senzorom, dostupnu iz pomagala,
- 6) alarmni uređaj s prekidačem na pritisak ili vrpcom za povlačenje na visini od 60 cm, od poda, dostupnu iz pomagala,
- 7) vješalicu za odjeću postavljenu na visini od 120 cm,
- 8) držač za sapun postavljen na visinu od 90 cm,
- 9) oznaku pristupačnosti prema slici 1.15. Priloga ove Uredbe.

Primjer tuš kabine i uslovi iz stava 1. ovoga člana prikazani su na slici 26. Priloga ove Uredbe.

U građevini koja prema članu 44. ove Uredbe mora sadržavati tuš kabinu, obavezno je izvesti najmanje 10 % + 1 pristupačnu kabinu.

Član 26. Ulaz u vodu na plaži i na bazenu

Ulaz u vodu na plaži i na bazenu mora imati pristupačnu kosinu, koja dostiže dno na dubini od 60 do najviše 80 cm u odnosu na srednji nivo površine vode (mora, rijeke, jezera, bazena).

Iznimno, na lječilišnim plažama i bazenima, kada nije moguće postići pristupačnost na način opisan u stavu 1. ovog člana, pristupačni ulaz se može obezbijediti pokretnom stolicom, sa mogućnošću podizanja i spuštanja u vodu naznačene dubine, liftom i/ili elementima pristupačnosti za savladavanje visinske razlike.

Pristupačni ulaz u vodu na plaži i bazenu označen je oznakom pristupačnosti prema slici 1.17. Priloga ove Uredbe.

Primjer ulaza u vodu na plaži i na bazenu i uslovi iz čl. 1. i 3. prikazani su na slici 27. Priloga ove Uredbe.

Član 27. Mjesto u gledalištu

Mjesto u gledalištu mora imati tlocrtnu dimenziju od najmanje 90 x 140 cm i biti pristupačno označeno oznakom pristupačnosti prema slici 1.20. Priloga ove Uredbe.

Primjer mjesta u gledalištu i uslovi iz stava 1. ovoga člana prikazani su na slici 28. Priloga ove Uredbe.

Obavezni broj pristupačnih mjesta u gledalištu mora iznositi 1 % + 1 u odnosu na njihov ukupan broj.

Član 28.

Telefon, tekstofon, faks, bankomat

Telefon, tekstofon, faks, bankomat moraju omogućavati ispunjavanje sljedećih uslova, odnosno imati:

- 1) telefon je s gornjim rubom brojčanika postavljen na visini od 120 cm od površine poda, a slušalicom na visini dohvata ruke od 100 cm,
- 2) tekstofon, faks, bankomat postavljene donjim rubom na visinu od 70 cm od površine poda,
- 3) uređaje postavljene na način da osiguravaju pristup svim funkcijama iz invalidskih kolica,
- 4) klupu-stolicu na preklapanje postavljenu u rasponu visine od 45 do 50 cm,
- 5) oznake pristupačnosti prema slici 1. Priloga ove Uredbe i to: 1.2., 1.3. i 1.4., za pristupačni telefon i prema slici 1.18., a za pristupačni tekstofon, faks i bankomat i prema slici 1.19.

Primjer telefona, tekstofona, faksa, bankomata i uslovi iz stava 1. ovoga člana prikazani su na slici 29. Priloga ove Uredbe.

Iznimno od stava 1. ovoga člana, pristupačnim telefonom, tekstofonom, faksom i bankomatom za slijepa, slabovidna, gluha i nagluha lica podrazumijeva da su ti uređaji postavljeni na uobičajenu visinu.

Kada se uređaji iz stava 1. ovoga člana nalaze unutar građevine, pristupačnima za slijepa i slabovidna lica smatraju se ako je od ulaznih vrata građevine do uređaja postavljena taktilna linija vođenja širine najmanje 40 cm s užljebljenjima u smjeru vođenja.

Član 29.

Elektro instalacije

Elektro instalacije moraju omogućavati ispunjavanje sljedećih uslova, odnosno imati:

- 1) parlafon (interfon) postavljen na visinu od 120 cm, sa svjetlosnom oznakom,
- 2) prekidače za svjetlo i zvonce postavljene u rasponu visina od 90 do 120 cm,
- 3) utičnicu u pristupačnoj kuhinji neposredno iznad radne plohe,
- 4) ostale utičnice postavljene u rasponu visina od 90 do 120 cm,
- 5) razvodnu ploču za električnu instalaciju postavljenu gornjim rubom u rasponu visina od 90 do 120 cm,
- 6) svu opremu elektro instalacija izvedenu u kontrastnoj boji u odnosu na podlogu zida.

Član 30.

Kvake na vratima i prozorima

Kvake na vratima i prozorima moraju biti oblikovane po principima inkluzivnog dizajna, postavljene na visinu od 90 cm za vrata, a za prozor kvaka ili ručica mehanizama za otvaranje postavljeni u rasponu visine od 90 do 120 cm.

Rukovanje kvakom za pokretanje mehanizma za otvaranje i zatvaranje vrata/prozora iz stava 1. ovoga člana mora biti lagano.

Primjer oblikovanja kvaka i uslovi iz stava 1. ovoga člana prikazani su na slici 30. Priloga ove Uredbe.

Član 31. Šalter

Šalter za lica u invalidskim kolicima mora omogućavati ispunjavanje sljedećih uslova, odnosno imati:

- 1) gornju plohu izvedenu na visini od najviše 85 cm, a podgled na visini od najmanje 70 cm, konzolno oblikovan, dubine pristupa od najmanje 50 cm;
- 2) oznaku pristupačnosti prema slici 1.23. Priloga ove Uredbe.

Pristupačnim šalterom za gluha, nagluha, slijepa i slabovidna lica podrazumijeva se šalter uobičajene visine, koji mora omogućavati ispunjavanje sljedećih uslova, odnosno imati:

- 1) komunikaciono pomagalo,
- 2) od ulaznih vrata građevine do šaltera postavljena taktilna linija vođenja širine najmanje 40 cm s užljebljenjima u smjeru vođenja,
- 3) oznaku pristupačnosti prema slici 1. Priloga ove Uredbe i to: 1.2., 1.3., 1.4., 1.6 i 1.21.

Primjer šaltera i uslovi iz stava 1. i 2. ovoga člana prikazani su na slici 31. Priloga ove Uredbe.

Kada se u dvorani nalaze tri ili više šaltera istog tipa poslovanja jedan od tri šaltera mora ispunjavati uslove pristupačnosti za lica u invalidskim kolicima, a jedan za gluha, nagluha, slijepa i slabovidna lica.

Kada su posebnim propisima koji uređuju zaštitu u poslovanju gotovim novcem i vrijednostima određeni uslovi za šaltere, pristupačni šalteri obavezno osiguravaju i ispunjavanje uslova tog propisa.

Član 32. Pult

Pult za lica u invalidskim kolicima mora biti, odnosno imati:

- 1) izveden najbliže ulazu u prostor i/ili prostoriju u kojoj se usluga pruža,
- 2) postavljen gornjim rubom na visinu od 80 cm, podgledom na visinu od najmanje 70 cm,
- 3) konzolno je oblikovan s dubinom pristupa od najmanje 50 cm,
- 4) osiguran pristupni prostor od najmanje 120 cm,
- 5) označen oznakom pristupačnosti prema slici 1.23. Priloga ove Uredbe.

Pristupačnim pultom za gluha, nagluha, slijepa i slabovidna lica podrazumijeva se pult uobičajene visine, koji omogućava ispunjavanje sljedećih uslova, odnosno ima:

- 1) komunikaciono pomagalo,

- 2) od ulaznih vrata građevine do pulta postavljena taktilna crta vođenja širine najmanje 40 cm s užljebljenjima u smjeru vođenja,
- 3) oznaku pristupačnosti prema slici 1. Priloga ove Uredbe i to: 1.2., 1.3., 1.4., 1.6 i 1.21.

Kada se u dvorani nalaze tri ili više pultova istog tipa poslovanja jedan od tri pulta mora ispunjavati uslove pristupačnosti za lice u invalidskim kolicima, a jedan za gluha, nagluha, slijepa i slabovidna lica.

Član 33. Induktivna petlja ili transmisijski obruč

Induktivna petlja ili transmisijski obruč ugrađuje se u prostoriji površine veće od 500 m², odnosno u prostoriji koju istovremeno može koristiti više od 100 lica i u kojoj se govor reprodukuje putem zvučnika.

Prostorija u kojoj je postavljena induktivna petlja ili transmisijski obruč označava se oznakom pristupačnosti prema slici 1.22. Priloga ove Uredbe.

Član 34. Oglasni pano

Oglasni pano mora biti postavljen svojim donjim rubom na visinu u rasponu od 120 do 160 cm.

Oglasni pano označava se oznakom pristupačnosti prema slici 1.24. Priloga ove Uredbe.

Član 35. Orijentacioni plan za kretanje u građevini

Orijentacioni plan za kretanje u građevini mora biti reljefno izrađen te mora omogućavati ispunjavanje sljedećih uslova:

- 1) postavljen je horizontalno ili približno horizontalno na visinu od najviše 90 cm, odnosno vertikalno ili približno vertikalno na visinu gornjeg ruba do najviše 180 cm,
- 2) postavljen je uz ulaz u građevinu,
- 3) sadrži informacije na Braille-ovom pismu, postavljene na visini 80 do 90 cm od poda,
- 4) od ulaznih vrata građevine do plana postavljena je taktilna crta vođenja širine najmanje 40 cm, s užljebljenjima u smjeru vođenja,
- 5) označen je oznakom pristupačnosti prema slici 1. Priloga ove Uredbe i to: 1.2 i 1.3.

C. USLOVI PRISTUPAČNOSTI JAVNOM SAOBRAĆAJU

Član 36.

Za obezbjeđenje uslova samostalnog kretanja licu umanjениh tjelesnih mogućnosti u javnom saobraćaju služe sljedeći uslovi pristupačnosti: stanica i peron; parking mjesto; javna pješačka površina; semafor; pješački prelaz, pješačko ostrvo i raskrsnica.

Član 37. Stanica i peron

Stanica i peron moraju omogućavati ispunjavanje sljedećih uslova, odnosno imati:

- 1) dužinu stanice, odnosno perona najmanje jednaku dužini prometnog sredstva (autobus, tramvaj, trolejbus i voz) koje se zaustavlja na toj stanici, odnosno peronu, a širinu najmanje 200 cm,
- 2) visinu pločnika u nivou ulazne stepenice niskopodnog prometnog sredstva, a iznimno kada su u potrebi prometna sredstva s visokom prvom stepenicom, pločnik može biti i niži od prve stepenice, ali ne niži od 18 cm ispod nivoa stepenice prometnog sredstva, ako posebnim propisom kojim se uređuju uslovi građevine željezničke infrastrukture nije drukčije propisano,
- 3) na stanici (autobusa, trolejbusa i/ili tramvaja) u naselju gdje se izvodi pločnik, na mjesto prvog ulaza u prometno sredstvo izvedenu taktilnu crtu vođenja širine najmanje 40 cm i dužine 150 cm s užljebljenjima okomitim na pravac pruge,
- 4) na stanicama koja se nalaze u neposrednoj blizini građevine u kojoj često borave lica s invaliditetom taktilnu crtu vođenja postavljenu cijelom širinom pločnika,
- 5) na peronu voza, na udaljenosti 80 cm od ruba perona, čitavom dužinom perona postavljenu taktilnu liniju upozorenja širine 20 cm sa užljebljenjima okomitim na smjer ulaska u voz.

Primjer stanica i perona i uslovi iz stava 1. ovoga člana prikazani su na slici 32. Priloga ove Uredbe.

Član 38. Parking mjesto

Parking mjesto mora biti smješteno najbliže pristupačnom ulazu u građevinu, te mora omogućavati ispunjavanje sljedećih uslova, odnosno imati:

- 1) parking mjesto za parkiranje jednog putničkog vozila lica koja koristi invalidska kolica, kad se ono nalazi u nizu parking mjesta, postavljenim okomito, koso ili uzdužno u odnosu na pločnik, veličine 375 x 500 cm, a prikazano je primjerom na slici 33. Priloga ove Uredbe,
- 2) parking mjesto za parkiranje dva vozila koje koristi invalidno lice koje se nalazi u nizu parking mjesta okomitom veličine 625 x 500 cm s međuprostorom širine 125 cm, a prikazano je primjerom na slici 34. Priloga ove Uredbe,
- 3) izlaz s parking mjesta na pločnik ukošenim ivičnjakom nagiba najviše 10%, širine najmanje 120 cm,
- 4) površinu parking mjesta izrađenu od materijala koji ne otežava kretanje invalidskih kolica (šljunak, pijesak, zatravnjena površina i sl.),
- 5) oznaku pristupačnosti prema slici 1.25. Priloga ove Uredbe.

Član 39. Javna pješačka površina

Javna pješačka površina mora biti:

- 1) uzdignuta u odnosu na rub ceste visine najmanje 3 cm, ili razdvojena tipskim elementom, a kada je u nivou ceste razdvojena je ogradom,
- 2) široka najmanje 150 cm,
- 3) sa ostalim pješačkim površinama povezana bez prepreka,
- 4) od prometnice zaštićena ogradom visine 90 cm kada se nalazi u području pojačanog pješačkog prometa (navala ljudi).

Različiti nivoi javne pješačke površine međusobno se povezuju odgovarajućim elementima pristupačnosti za savladavanje visinske razlike u skladu sa odredbama ove Uredbe.

Kada su različiti nivoi javne pješačke površine iz stava 2. ovoga člana povezane pristupačnim liftom ili pristupačnom vertikalno podiznom platformom, obavezno se dodatno povezuju pristupačnim stepeništem.

Sva komunalna oprema (klupe, stolovi, znakovi, rasvjetni stubovi, korpe, držači za bicikl, reklamni panoi i sl.) se postavlja uz rub javne pješačke površine, tako da ne predstavlja prepreku za slijepu i slabovidnu.

Kada se uz javnu pješačku površinu predviđa biciklistička staza ili parkiralište, potrebno je izvesti razgraničenje od javne pješačke površine denivelacijom od najmanje 3 cm, zelenom površinom, tipskim elementom ili sl.

Primjer javne pješačke površine i uslovi iz stava 1. ovoga člana prikazani su na slici 35. Priloga ove Uredbe.

Član 40. Semafor

Semafor mora omogućavati ispunjavanje sljedećih uslova, odnosno imati:

- 1) semafor koji se nalazi na prijelazu prometnice s više od dvije saobraćajne trake u istom smjeru ima taktilni plan prijelaza,
- 2) semafor koji se nalazi u području gdje se nalazi građevina u kojoj često borave slijepa i slabovidna lica, ima zvučnu signalizaciju,
- 3) kod semafora na raskrsnici, zvučnu signalizaciju postavljenu na semafore jednog prometnog pravca koja se ne preklapa sa zvučnom signalizacijom postavljenom na semafore drugog saobraćajnog pravca,
- 4) zvučnu signalizaciju postavljenu na semaforu koja upozorava samo na promjenu svjetla na semaforu, a ne na intenzitet saobraćaja na saobraćajnici,
- 5) tačkastu disperziju zvuka zvučne signalizacije postavljene na semaforu, usmjerenu tako da doziva slijepo ili slabovidno lice koja prelazi saobraćajnicu.

Član 41. Pješački prelaz

Pješački prelaz mora omogućavati ispunjavanje sljedećih uslova, odnosno imati:

- 1) prelaz s trotoara na nivo ceste osiguran ukošenjem ivice uz najveći dopušteni nagib od 10%, širine najmanje 120 cm,
- 2) na ukošenom rubu izvedeno taktilno polje upozorenja čepaste strukture koje završava na liniji paralelnoj s rubom ceste koja je od njega udaljena za širinu rubnog kamena, ali ne manje od 15 cm, prema primjeru na slici 36. Priloga ove Uredbe,
- 3) u slučaju minimalne visine trotoara od 3 cm, izvedeno taktilno polje upozorenja čepaste strukture širine najmanje 40 cm, prema primjeru na slici 37. Priloga ove Uredbe
- 4) u slučaju kada je u funkciji prijelaza saobraćajnice izvan raskrsnice, taktilnu liniju vođenja širine najmanje 40 cm s užljebljenjima okomito na saobraćajnicu, izvedenu do ukošenja ruba na prelazu, a u dužini od najmanje 110 cm prema primjeru na slici 38. Priloga ove Uredbe.

Elementi pristupačnosti iz stava 1. ovoga člana primjenjuju se na odgovarajući način na pješačkim prelazima putnog, željezničkog, trolejbuskog i tramvajskog saobraćaja, te biciklističkih staza.

Član 42. Pješačko ostrvo

Pješačko ostrvo mora omogućavati ispunjavanje sljedećih uslova:

- 1) izveden u skladu sa članom 41. stav 1. al. 1., 2. i 3. ove Uredbe,
- 2) u slučaju kada se pješačko ostrvo nalazi u nivou ceste ili se njegov nivo na mjestu prelaza spušta na nivo ceste, tada se on 15 cm od početka i 15 cm od kraja ostrva označava taktilnim linijama upozorenja s užljebljenjima okomitim na smjer kretanja, širine najmanje 40 cm, međusobno povezanim taktilnom linijom vođenja s užljebljenjima u smjeru kretanja širine najmanje 40 cm, prema primjeru prikazanom na slici 39. Priloga ove Uredbe,
- 3) u slučaju kada je pješačko ostrvo povišeno u odnosu na nivo puta, prelaz s puta na pješačko ostrvo izvodi se ukošenjem, prema primjeru prikazanom na slici 40. Priloga ove Uredbe,
- 4) u slučaju kada je ostrvo na mjestu prelaza spušten na nivo puta, a na povišenom dijelu se nalazi stanica autobusa, trolejbusa ili tramvaja, obavezno se izvodi ukošenje za pristup stanici, u skladu sa odredbom člana 41. alineja 1. i 2.

Član 43. Raskrsnica

Raskrsnica obavezno sadrži uslove pristupačnog pješačkog prelaza iz člana 41. i pristupačnog otoka iz člaka 42. ove Uredbe.

Na raskrsnici koje se nalazi u području naselja gdje je smještena građevina u kojoj često borave slijepa i slabovidna lica, pješački prelaz mora imati pristupačni semafor sa zvučnom signalizacijom i taktilne linije vođenja širine najmanje 40 cm, s užljebljenjima okomitim na saobraćajnicu. Taktilna linija upozorenja je izvedena do ukošenja ruba na prelazu, u dužini od najmanje 110 cm, prema primjeru na slici 41. Priloga ove Uredbe.

Kada raskrsnicu nije moguće savladati u istom nivou, izvode se pothodnici ili nathodnici primjenom odgovarajućih elemenata pristupačnosti za savladavanje visinskih razlika prema odredbama ove Uredbe.

III. OBAVEZNA PRIMJENA USLOVA PRISTUPAČNOSTI

Član 44.

Građevine javne i poslovne namjene moraju se projektovati i biti izvedene tako da, zavisno o svojoj namjeni, sadrže uslove pristupačnosti iz sljedećih članova ove Uredbe:

1. građevine trgovačke, ugostiteljske i/ili turističke namjene:
 - 1) robna kuća iz čl.: 16., 17., 18., 32., 34. i 35.;
 - 2) trgovački i uslužni centar iz čl. 16., 17., 18., 32., 34. i 35.;
 - 3) samoposluživanje uslužne površine od 400 m² i više iz čl. 16., 17., 18. i 32.;
 - 4) tržnica iz čl.: 16. i 17.;
 - 5) caffe bar, kafana i restoran s 80 i više mjesta iz čl.: 16. 17., 18. i 23.;

- 6) disko klub i noćni klub, površine od 400 m² i više iz čl. 16., 17. i 18.;
 - 7) turistički informativni centar iz čl. 16. i 17.;
 - 8) ured turističke zajednice površine od 200 m² i više iz čl. 16. i 17.;
 - 9) putnička agencija površine od 200 m², više iz čl. 16. i 17.;
 - 10) zasebno stojeća recepcija iz čl.: 16. i 34.;
 - 11) hotel s 50 i više soba (soba/TNjC) iz čl. 16., 17., 19.(ili 25.+18.), 21., i 34.;
 - 12) hostel s 50 i više soba sa zajedničkim sanitarnim jedinicama iz čl. 16., 17., 18., 21., 19. (ili 25.) i 34.;
 - 13) turističko naselje s 50 i više apartmana iz čl. 16., 17., 22. i 34.;
 - 14) kamp za 500 i više gostiju iz čl. 16., 17., 19. (ili 25.), 20. i 34.;
 - 15) restoran uz javne puteve iz čl. 16., 17. i 18.;
 - 16) hotel s posebnom oznakom - motel uz javne puteve iz čl. 16., 17. i 18.;
 - 17) trgovačko-ugostiteljski sadržaj uz benzinske pumpe iz čl.16., 17., i 18.;
2. građevine poštanske i/ili telekomunikacijske namjene:
 - 1) poštanska dvorana za rad sa strankama s manje od tri šaltera ili pulta istog tipa poslovanja iz čl. 16.i 17.;
 - 2) poštanska dvorana za rad sa strankama s tri i više šaltera ili pulta istog tipa poslovanja iz čl. 16., 17. i 31.;
 - 3) telekomunikacioni centar za pružanje usluga korisnicima s manje od tri šaltera ili pulta istog tipa poslovanja iz čl. 16. i 17.;
 - 4) elekomunikacioni centar za pružanje usluga korisnicima s tri i više šaltera ili pulta istog tipa poslovanja iz čl. 16., 17. i 31.;
 - 5) građevina u kojoj se nude telekomunikacione usluge telefoniranja, faksiranja i sl. s tri ili više uređaja iz čl. 16., 17. i 28.;
 3. građevina za pružanje usluga prometa novcem i druge finansijske usluge:
 - 1) poslovnica banke s manje od tri šaltera ili pulta istog tipa poslovanja iz čl. 16., 17. i 28.;
 - 2) poslovnica banke s tri i više šaltera ili pulta istog tipa poslovanja iz čl.16., 17. i 31.;
 - 3) poslovnica finansijskih agencija s manje od tri šaltera ili pulta istog tipa poslovanja iz čl. 16., 17. i 28.;
 - 4) poslovnica finansijskih agencija s tri i više šaltera ili pulta istog tipa poslovanja iz čl. 16., 17. i 31.;
 4. građevine upravne i slične namjene:
 - 1) građevina u kojoj djeluju tijela uprave federacije, kantona i lokalne samouprave, sudske vlasti i pravnih lica s javnim ovlaštenjima iz čl. 16., 17., 18., 34. i 35.;

5. građevine zdravstveno-socijalne i rehabilitacijske namjene:

- 1) ured službe socijalno-zdravstvene zaštite iz čl. 16., 17., 18., 31., 33., 34. i 35.;
- 2) apoteka i prodavnica ortopedskih pomagala iz člana 16.;
- 3) apoteka i prodavnica ortopedskih pomagala s tri i više šaltera ili pulta istog tipa poslovanja iz čl. 16., 17., 31. (ili 32.);
- 4) ambulanta iz čl. 16., 17., 18., 33. i 34.;
- 5) dom zdravlja iz čl. 16., 17., 18., 31., 33., 34. i 35.;
- 6) bolnica iz čl. 16., 17., 18., 19., 21., 24., 25., 31., 34. i 35.;
- 7) banje iz čl. 16., 17., 18., 19., 21., 24., 25., 31., 34. i 35.;
- 8) zatvoreni bazen u banjama iz čl. 16., 17., 18., 24., 25., 26., 31. i 34.;
- 9) otvoreni bazen u banjama iz čl. 16., 17., 18., 24., 25., 26. i 34.;
- 10) banjska plaža iz čl. 16., 17., 18., 24., 25., 26. i 34.;
- 11) zatvoreno banjsko kupalište/toplice iz čl. 16., 17., 18., 24., 25., 26., 31., 34. i 35.;
- 12) javno kupalište iz čl. 16., 17., 18., 24., 25.;
- 13) dom za starija i nemoćna lica s 20 i više soba sa zajedničkim sanitarnim jedinicama iz čl. 16., 17., 18., 19. (ili 25.), 21., 31. i 34.;
- 14) dom za starija i nemoćna lica hotelskog tipa (soba/TNjC) s 20 i više soba iz čl. 16., 17., 19. (ili 25.+18.), 20., 21., 31. i 34.;
- 15) dom za starija lica apartmanskog tipa s 20 i više apartmana iz čl. 16., 17., 22., 31. i 34.;
- 16) narodna kuhinja iz čl. 16., 17., 18. i 34.;

6. građevine koju učestalo koriste lica s invaliditetom:

- 1) građevina u kojoj se nalaze poslovne prostorije saveza, društva i/ili udruženja lica s invaliditetom iz čl. 16., 17., 18., 20., 21., 28., 29., 30., 33., 34. i 35.;
- 2) ustanova za odgoj i obrazovanje lica s invaliditetom iz čl. 16., 17., 18., 21., 24., 28., 29., 30., 31., 32., 33., 34. i 35.;
- 3) ustanova za rehabilitaciju iz čl. 16., 17., 18., 19., 20., 21., 24., 25., 28., 29., 30., 31., 32., 34. i 35.;
- 4) ustanova za smještaj lica s invaliditetom iz čl. 16., 17., 18., 19., 20., 21., 24., 25., 28., 29., 30., 31., 32., 34. i 35.;

7. građevine odgojne i obrazovne namjene:

- 1) dječiji vrtić iz članaka: 16. i 17.;
- 2) škola, ustanova za obrazovanje odraslih lica, visoko obrazovanje iz čl. 16., 17., 18., 21. i 34.;

- 3) učenički i studentski dom s 50 i više soba sa zajedničkim sanitarnim jedinicama iz čl. 16., 17., 18., 19. (ili 25.), 20., 21. i 34.;
- 4) učenički i studentski dom hotelskog tipa (soba/TNjC) s 50 i više soba iz čl.16., 17., 19. (ili 25.+18.), 21. i 34.;
- 5) studentska apartmanska naselja s 50 i više apartmana iz čl. 16., 17., 22. i 34.;
8. građevine kulturne namjene:
 - 1) univerzitetska biblioteka iz čl.: 16., 17., 18., 32., 34. i 35.;
 - 2) kulturni centar iz čl.: 16. 17., 18., 34. i 35.;
 - 3) kongresni centar iz čl. 16., 17., 18., 27., 33., 34. i 35.;
 - 4) muzej, galerija, izložbeni prostor površine 300 m² i više iz čl. 16., 17., 18., 32. i 34.;
 - 5) kino, pozorišta i koncertna dvorana, sa 100 i više mjesta u gledalištu iz čl. 16., 17., 18., 27., 33. i 34.;
9. građevine prometne namjene:
 - 1) aerodromi iz čl. 16., 17., 18., 31. (ili 32.), 33. i 34.;
 - 2) autobusna i željeznička stanica iz čl.16., 17., 18., 31. ili 32., 33., 34., 37. i 39.;
 - 3) autobuska i tramvajska stanica, željeznički peron iz čl. 34., 37. i 39.;
 - 4) odmorište uz javnu cestu iz čl. 18., 28., 38. i 39.;
 - 5) javno parkiralište iz čl. 38.;
 - 6) javna garaža kapaciteta 300 i više vozila iz čl. 16., 17., 18. i 38.;
 - 7) pumpa za gorivo iz čl. 16.;
10. građevine sportske i rekreacijske namjene:
 - 1) sportski teren iz čl. 16., 17., 18. i 24.;
 - 2) sportska dvorana sa 100 i više mjesta u gledalištu iz čl. 16., 17., 18., 24., 25., 27. i 34.;
11. građevine zabavne namjene:
 - 1) zabavni park iz čl.16., 17., 18., 34. i 39.;
 - 2) zoološki i botanički vrt iz čl. 16., 17., 18., 34. i 39.;
12. građevine vjerske i sakralne namjene:
 - 1) obredna dvorana iz čl.16., 17., 33. i 34.;
 - 2) vjerski i dobrotvorni centar iz čl. 16., 17., 18., 21. i 34.;

13. građevine za izvršavanje kazne zatvorom:

- 1) zatvor iz čl.16., 17., 18., 19., 21., i 31.;
- 2) odgojni zavod iz čl. 16., 17., 18., 19., 20., 21. i 31.;

14. prostori i površine javne namjene:

- 1) pješački trg, ulica, staza u parku, dječjem igralištu i na šetalištu iz člana 39.;
- 2) pothodnik, nathodnik i pješački most iz člana 39.;
- 3) ulični prelaz iz čl. 40., 41., 42. i 43.;

15. građevine druge namjene:

- 1) sajamski i izložbeni centar iz čl. 16., 17., 18. i 34.;
- 2) tehnološki park iz čl. 16., 17., 18. i 34.;
- 3) javni NjC iz čl.16., 17. i 18.;
- 4) građevina u kojoj je obavezno izvođenje 4 ili više NjC jedinica za javnu upotrebu iz čl. 16., 17. i 18.;
- 5) mrtvačnica i krematorij iz čl. 16., 17. i 34.;
- 6) javno sklonište iz čl. 16., 17. i 18.

16. sve ostale građevine.

Građevine stambene i stambeno-poslovne namjene moraju se projektovati i biti izvedeni tako da, zavisno od svoje namjene, sadrže uslove pristupačnosti iz sljedećih članova ove Uredbe:

1. stambena građevina iz čl. 16., 17. i 22.;
2. stambeno-poslovna građevina iz čl. 16., 17. i 22. Osim tih uslova pristupačnosti u dijelu građevine poslovne namjene mora sadržavati i uslove pristupačnosti zavisno o namjeni toga poslovnog dijela i to najmanje prema odredbi stava 1. ovoga člana.

Član 45.

U sklopu ulazne recepcije kod sljedećih građevina: doma zdravlja, bolnice, banje, zatvorenog bazena u banji, zatvorenog javno-banjskog kupališta/banja, doma za starija i nemoćna lica s 20 i više soba sa zajedničkom sanitarnom jedinicom, doma za starija i nemoćna lica hotelskog tipa (soba/TNjC) s 20 i više soba, dom za starija lica apartmanskog tipa s 20 i više apartmana, ureda službe socijalno-zdravstvene zaštite za rad sa strankama, institucija za odgoj i obrazovanje lica s invaliditetom, institucija za rehabilitaciju, institucija za smještaj lica umanjениh tjelesnih mogućnosti obavezno se izvodi pristupačni šalter.

Član 46.

Sve sobe u bolnici, banjama, te instituciji za rehabilitaciju i smještaj lica umanjениh tjelesnih mogućnosti moraju se izvesti kao pristupačne.

Obavezni broj pristupačnih soba u domu za starija i nemoćna lica hotelskog tipa (soba/TNjC) i u domu za starija i nemoćna lica u kojem se nalaze zajedničke sanitarne jedinice, mora minimalno iznositi 10 % + 1 od ukupnog broja soba.

Obavezni broj pristupačnih soba, u đlačkom i studentskom domu hotelskog tipa (soba/TNjC), te đlačkom i studentskom domu u kojima se nalaze zajedničke sanitarne jedinice, minimalno iznositi 5 % + 1 od ukupnog broja soba.

Obavezni broj pristupačnih smještajnih jedinica za lica u građevinama za izvršenje kazne zatvorom je 5 % + 1.

Član 47.

Obavezni broj pristupačnih NjC-a i kupatila u domu za starija i nemoćna lica sa zajedničkim sanitarnim jedinicama, određuje se na nivou 10 % + 1 u odnosu na ukupni broj soba.

Obavezni broj pristupačnih NjC-a i kupatila u hotelu, đlačkom i studentskom domu u kojima se nalaze zajedničke sanitarne jedinice, određuje se na nivou 2 % + 1 u odnosu na ukupni broj soba.

Član 48.

Kada je u građevini predviđeno zapošljavanje lica s invaliditetom mora se obezbijediti pristupačna radna prostorija i pristupačan NjC.

Član 49.

Pored građevina iz člana 5. stav 1. tačke 1. ove Uredbe i caffè-bar, kafana i restoran s manje od 80 sjedećih mjesta; disko klub i noćni klub površine manje od 400 m²; muzej, galerija, izložbeni prostor površine manje od 300 m²; te kino, pozorište i koncertna dvorana s manje od 100 mjesta u gledalištu, moraju obezbijediti pristupačnost za savladavanje visinske razlike prema odredbama ove Uredbe i moraju imati pristupačan NjC.

Kada je posebnim propisima kojima su propisani uslovi za obavljanje djelatnosti u građevinama iz stava 1. ovoga člana, dopušteno odstupanje od tih uslova u smislu da nije potrebno izvođenje NjC-a, tada ne postoji obaveza izvođenja niti pristupačnog NjC-a.

Ako je po posebnim propisima iz stava 2. ovoga člana obavezna izvedba samo jednog NjC-a za žene i muškarce, tada se on izvodi kao pristupačan NjC.

U slučaju rekonstrukcije građevine iz stava 1. ovoga člana, urbanističkom saglasnošću može se utvrditi odstupanje od uslova pristupačnosti iz toga stava zbog zatečenih uslova u građevini ili uslova nepristupačnosti javne površine s koje se pristupa u građevinu.

Član 50.

Na javnom parkiralištu i u javnoj garaži izvodi se 5 % +1 pristupačno parking mjesto u odnosu na ukupni broj parking mjesta.

Uz građevinu, odnosno u građevini iz člana 5. ove Uredbe izvodi se 5 % +1 pristupačno parking mjesto u odnosu na ukupni broj parking mjesta.

Član 51.

Unapređenje pristupačnosti građevina

Dijelovi građevina javne i poslovne namjene iz člana 44. stava 1. ove Uredbe koji se rekonstruišu ili nastaju rekonstrukcijom moraju se projektovati i izvesti tako, da ovisno o svojoj namjeni, sadrže uslove pristupačnosti propisane tim članom.

Ulazni prostor i komunikacije do dijelova građevina iz stava 1. ovoga člana moraju se prilikom rekonstrukcije projektovati i izvesti tako da sadrže uslove pristupačnosti iz člana 16. i 17. ove Uredbe.

St. 1. i 2. ovoga člana odnosi se i na građevine koje će nakon namjeravane rekonstrukcije postati građevine iz člana 44. stava 1. ove Uredbe, te na poslovne dijelove stambeno-poslovnih građevina koji imaju veličinu, odnosno kapacitet zgrade poslovne namjene iz člana 44. stava 1. ove Uredbe ili će tu veličinu, odnosno kapacitet imati nakon namjeravane rekonstrukcije.

Čl. 45., 46., 47., 48., 49. i 50. ove Uredbe primjenjuje se i na rekonstrukciju građevina iz tih članova.

Odredbe ovoga člana primjenjuju se i u slučaju izmjene i/ili dopune odobrenja za građenje za navedene građevine.

Član 52.

Iznimno odstupanje od propisanih uslova pristupačnosti

Ako se pri rekonstrukciji građevine kulturno-historijskog naslijeđa ne mogu osigurati propisani uslovi pristupačnosti a da se ne naruši autentično spomeničko svojstvo kulturnog dobra, dopušteno je iznimno odstupiti od propisanih uslova pristupačnosti, uz prethodno pribavljenu saglasnost nadležne institucije za zaštitu kulturno-historijskog naslijeđa.

Član 53.

U dijelovima naselja i pojedinim građevinama za koje je utvrđena zaštita u skladu sa posebnim propisima iz područja zaštite prirode neće se primijeniti odredbe ove Uredbe, ako bi se njihovom primjenom ugrozili ciljevi propisane zaštite.

U slučajevima iz stava 1. ovoga člana kao zamjena za uslove pristupačnosti za savladavanje visinske razlike, obavezno se koriste montažno-demontažni i drugi uređaji koji ne ugrožavaju ciljeve propisane zaštite.

IV. OBAVEZAN SADRŽAJ PROJEKATA

Član 54.

Projekti građevina iz člana 5. ove Uredbe, moraju sadržavati prikaz tehničkih rješenja kojima se uslovi pristupačnosti primjenjuju za obezbjeđenje pristupačnosti građevina, te prikaz tehničkih rješenja za jednostavno prilagodljive stanove (u daljnjem tekstu: tehnička rješenja).

Tehnička rješenja iz stava 1. ovoga člana prikazuju se, ovisno o nivou razrade projekta, na odgovarajući način u idejnom projektu, glavnom projektu i izvedbenom projektu građevine.

Član 55.

Sadržaj idejnog projekta

U idejnom projektu građevine tehnička rješenja prikazuju se tehničkim opisom i nacrtima.

Tehnički opis, ovisno o vrsti građevine, osobito sadrži:

- 1) opis prostora građevine u kojoj se osigurava pristupačnost, te opis prostora i površine javnog saobraćaja i njihovu povezanost,

- 2) tehničke i funkcionalne podatke o arhitektonskim i građevinskim rješenjima koja obezbjeđuju pristupačnost,
- 3) opis i funkciju građevinskih i drugih proizvoda, instalacija i opreme ugrađenih u svrhu obezbjeđenja pristupačnosti, te načina ugradnje odnosno priključenja.

Tehnički opis stambene zgrade, osim sadržaja iz stava 2. ovoga člana, sadrži i opis jednostavne prilagodbe najmanje jednog stana.

Nacrti za građevine stambene i stambeno-poslovne namjene posebno sadrže:

- 1) situaciju s oznakom pristupačnog parkirališnog mjesta i drugih propisanih elemenata za osiguranje pristupačnosti prilaza građevini,
- 2) tlocrte karakterističnih etaža, presjeke i fasade, s detaljnim prikazom svakog tlocrta različitog prilagođenog stana i ucrtanim pristupačnim komunikacijama kojima se obezbjeđuje pristup licima umanjениh tjelesnih mogućnosti do tih stanova, šemu instalacija i ugradnje opreme vezane za pristupačnost.

Nacrti za građevine javne i poslovne namjene, zavisno o vrsti građevine, naročito sadrže:

- 1) situaciju s oznakom pristupačnog parking mjesta i drugih propisanih elemenata za osiguranje pristupačnosti prilaza građevini,
- 2) druge nacрте potrebne za određenu vrstu građevine, s ucrtanim ili označenim prostorijama, prostorima, komunikacijama i drugim dijelovima građevine namijenjenim kretanju, boravku ili radu lica umanjениh tjelesnih mogućnosti, te drugim uslovima bitnim za osiguranje pristupačnosti.

Član 56. Sadržaj glavnog projekta

U glavnom projektu građevine tehnička rješenja prikazuju se u pojedinim dijelovima projekta:

- 1) arhitektonskom projektu,
- 2) građevinskom projektu,
- 3) elektro i mašinskom projektu projektu instalacija vode i odvoda ako tehničko rješenje pristupačnosti uključuje ugradnju posebnih uređaja namijenjenih licima umanjениh tjelesnih mogućnosti.

Podaci o građevini, odnosno njezinom dijelu, tehnička rješenja kojima se osigurava ispunjavanje propisanih zahtjeva, ovisno o vrsti projekta, sadržani su u tehničkom opisu, odgovarajućim proračunima, te po potrebi u programu kontrole i osiguranja kvalitete, posebnim tehničkim uslovima i dr.

Tehnički opis, ovisno o vrsti građevine, sadrži podatke o tehničkim rješenjima, radovima, ugrađenim građevinskim i drugim proizvodima, konstrukciji, instalacijama i opremi kojima se osigurava ispunjavanje propisanih uslova pristupačnosti, podatke iz elaborata, studija i podloga koji su od uticaja na ispunjavanje zahtjeva pristupačnosti.

Tehnički opis za građevinu stambene i stambeno-poslovne namjene, naročito sadrži:

u arhitektonskom projektu:

- 1) opis prostornog i oblikovnog rješenja, kao i radova kojima se osigurava pristupačnost,
- 2) opis građevinskih dijelova uključenih u tehničko rješenje pristupačnosti obzirom na građevinske i druge proizvode (opis završne obrade površina, protukliznost i sl.),

3) opis završnih radova i način ugradnje građevinskih i drugih proizvoda u vezi s pristupačnošću;

u građevinskom projektu:

1) opis dijelova konstrukcije uključenih u tehničko rješenje pristupačnosti obzirom na građevinske i druge proizvode,

2) ukoliko se smatra potrebnim, statički proračun dijelova konstrukcije uključenih u tehničko rješenje pristupačnosti obzirom na građevinske i druge proizvode;

u elektro, i mašinskom projektu, projektu instalacija vode i odvoda:

1) opis zahvata i radova koje je potrebno provesti pri prilagođavanju stambenih i stambeno-poslovnih objekata,

2) opis mehaničke i elektro opreme kojom se obezbjeđuje pristupačnost, opis instalacija i njihove funkcije, te opis načina priključenja (lifta, platforme i dr.).

Tehnički opis za građevinu javne i poslovne namjene, naročito sadrži:

u arhitektonskom projektu:

1) opis prostornog i oblikovnog rješenja kojim se osigurava pristupačnost licima umanjениh tjelesnih mogućnosti u prostore građevine namijenjene njihovom kretanju, boravku ili radu,

2) opis građevnih dijelova uključenih u tehničko rješenje pristupačnosti obzirom na građevne i druge proizvode (opis završne obrade površina; protukliznost i sl.),

3) opis završnih radova i način ugradnje građevinskih i drugih proizvoda u vezi s pristupačnošću,

4) opis funkcionalnog i oblikovnog rješenja svih elemenata uređenja vanjskih prostora za omogućavanje pristupačnosti;

u građevinskom projektu:

1) opis dijelova konstrukcije uključenih u tehničko rješenje pristupačnosti obzirom na građevne i druge proizvode;

2) ukoliko se smatra potrebnim, statički proračun dijelova konstrukcije uključenih u tehničko rješenje pristupačnosti obzirom na građevinske i druge proizvode;

u elektro i mašinskom projektu i projektu instalacija vode i odvoda:

1) opis zahvata i radova koje je potrebno provesti pri prilagođavanju objekata javne i poslovne namjene,

2) opis mehaničke i elektro opreme kojom se obezbjeđuje pristupačnost, opis opreme instalacija i njihove funkcije, opis načina priključenja (lifta, vertikalno podizne platforme, koso podizne sklopive platforme i dr.).

Proračuni, ovisno o vrsti građevine, obavezno sadrže dokaze o ispunjavanju propisanih uvjeta.

Proračun za građevinu stambene i stambeno-poslovne namjene, sadrži:

u arhitektonskom projektu:

1) proračun dužine pristupnih kosina s iskazanim uzdužnim i poprečnim nagibom;

u građevinskom projektu:

- 1) proračun dijelova nosive konstrukcije uključenih u rješenja pristupačnosti;

u elektro i mašinskom projektu, projektu instalacija vode i odvoda:

- 1) proračun instalacija za elektro i mašinske dijelove opreme namijenjene licima umanjениh tjelesnih mogućnosti.

Proračun za građevinu javne i poslovne namjene, sadrži:

u arhitektonskom projektu:

- 1) proračun dužine pristupnih kosina s iskazanim uzdužnim nagibom - enterijerski,
- 2) proračun kapaciteta elemenata pristupačnosti (broj korisničkih mjesta za lica umanjениh tjelesnih mogućnosti) vezanih za namjenu građevine,
- 3) proračun uzdužnih i poprečnih nagiba pješačkih staza i putova te dužine pristupnih kosina s iskazanim uzdužnim i poprečnim nagibom - eksterijerski;

u građevinskom projektu:

- 1) proračun dijelova nosive konstrukcije uključenih u rješenja pristupačnosti;

u elektro i mašinskom projektu, projektu instalacija vode i odvoda:

- 1) proračun instalacija za elektro i mašinske dijelove opreme namijenjene licima umanjениh tjelesnih mogućnosti.

Nacrti, ovisno o vrsti građevine, u prikladnom mjerilu obavezno prikazuju tehnička rješenja pristupačnosti na situaciji, tlocrtima i presjecima, te visinskim položajima propisanih elemenata pristupačnosti iz ove Uredbe, sa uključenim šemama instalacija i ugradnje opreme.

Nacrti za građevinu stambene i stambeno-poslovne namjene sadrže:

- 1) situaciju u odgovarajućem mjerilu, s naznačenim tlocrtom propisanog broja pristupačnih parking mjesta, te s tlocrtom pristupačne komunikacije od javne pješačke površine do pristupačnog ulaza u građevinu,
- 2) tlocrte, presjeke i fasade karakterističnih etaža stambenih i stambeno-poslovnih građevina, s ucrtanim ili označenim pristupačnim komunikacijama kojima se obezbjeđuje pristup licima umanjениh tjelesnih mogućnosti do prilagođenih stanova, a u skladu sa odredbom stava 2. člana 44. ove Uredbe,
- 3) šemu instalacija i ugradnje opreme vezane za pristupačnost;

Nacrti za građevinu javne namjene i poslovne namjene sadrže:

- situaciju u odgovarajućem mjerilu, s naznačenim tlocrtom propisanog broja pristupačnih parking mjesta, te s tlocrtom pristupačnih komunikacija od javne pješačke površine do pristupačnog ulaza u građevinu,
- tlocrte, presjeke i visinske položaje svih propisanih elemenata pristupačnosti za svaku vrstu građevine u skladu sa odredbom stava 1. člana 44. ove Uredbe,
- šemu instalacija i ugradnje opreme vezane za pristupačnost.

Član 57.

Sadržaj izvedbenog projekta

Razrada tehničkih rješenja za ispunjavanje propisanih uslova iz ove Uredbe sadržana je u pojedinim dijelovima projekata, koji posebno sadrže:

u arhitektonskom projektu:

- 1) tlocрте svih prostora namijenjenih kretanju, boravku i radu lica umanjениh tjelesnih mogućnosti, s relevantnim kotama koje dokazuju osiguranje pristupačnosti,
- 2) detalje svih elemenata pristupačnosti propisanih ovom Uredbom;

u građevinskom projektu:

- 1) proračun dijelova konstrukcije uključenih u rješavanje pristupačnosti;
- 2) plan oplate dijelova konstrukcije uključenih u rješavanje pristupačnosti,
- 3) nacрте armature, s naznakom količina za dijelove konstrukcije uključenih u rješavanje pristupačnosti;

u elektro i mašinskom projektu, projektu instalacija vode i odvoda:

- 1) proračun elektro instalacija namijenjenih za potrebe osiguranja pristupačnosti;
- 2) detalje instalacija i opreme ugrađenih za potrebe osiguranja pristupačnosti.

Član 58.

Kontrolu/reviziju projekata iz čl. 55. do 58. ove Uredbe vrši pravno lice koja posjeduje ovlaštenje za projektovanje, odnosno pravno lice koje je registrovano za poslove projektovanja u skladu sa važećim zakonskim propisima, a koja nije učestvovala u izradi projekata.

Kontrolor/revident ovjerava svaki propisano uvezani dio projekta sa unutrašnje strane projekta štambiljem za ovjeru kontrolisanog projekta (u daljnjem tekstu: štambilj) u kojem je utisnut pečat kontrolora i potpis, ako je projekat izrađen u skladu sa odredbama ove Uredbe.

Štambilj veličine 130x75 mm za ovjeru kontrolisanog projekta prema obrascu u prilogu sadrži:

- 1) izjavu da je projekat izrađen u skladu sa ovom Uredbom,
- 2) naziv pravnog lica - kontrolora/revidenta,
- 3) broj, mjesto i datum i
- 4) pečat i potpis pravnog lica-kontrolora/revidenta.

OVAJ PROJEKAT JE IZRAĐEN U SKLADU SA UREDBOM O PROSTORNIM STANDARDIMA, URBANISTIČKO - TEHNIČKIM USLOVIMA I NORMATIVIMA ZA SPREČAVANJE STVARANJA ARHITEKTONSKO-URBANISTIČKIH PREPREKA ZA LICA SA UMANJENIM TJELESNIM MOGUĆNOSTIMA

Naziv pravnog lica - kontrolora/revidenta

Broj: _____

Mjesto i datum _____

Pečat pravnog lica - kontrolora/revidenta i potpis

V. NADZOR NAD PROVOĐENJEM OVE UREDBE

Član 59.

Nadzor nad provođenjem odredaba ove Uredbe vrši nadležna federalna i kantonalna uprava za inspekcijske poslove.

VI. KAZNENE ODREDBE

Član 60.

Novčanom kaznom u iznosu od 7.000,00. KM kazniće se pravno lice koje u roku iz članom 65. st. 1. i 2. ne izvrši prilagođavanje svih javnih i drugih izgrađenih površina za potrebe lica sa umanjenim tjelesnim mogućnostima.

Za prekršaj iz stava 1. ovoga člana kazniće se i odgovorno lice u pravnom licu novčanom kaznom u iznosu od 2.000,00 KM.

Fizičko lice - vlasnik građevine kazniće se novčanom kaznom u iznosu od 1.000,00 KM za prekršaj iz stava 1. ovoga člana.

Član 61.

Novčanom kaznom u iznosu od 5.000,00 KM kazniće se za prekršaj pravno lice registrovanog za poslove projektovanja ako se:

1) u toku građenja utvrdi da zbog nedostataka u projektu ili zbog neusklađenosti pojedinih projekata nije u propisanoj mjeri omogućen nesmetan pristup, kretanje, boravak i rad licima sa umanjenim tjelesnim mogućnostima u građevinama javne i poslovne namjene, te poslovnim dijelovima građevina stambeno-poslovne namjene.

Član 62.

Novčanom kaznom u iznosu od 5.000,00 KM kazniće se za prekršaj pravno lice u svojstvu izvođača ako:

1) radove ne izvodi u skladu sa projektom tako da licima sa umanjenim tjelesnih mogućnosti ne obezbjeđuje nesmetan pristup, kretanje, boravak i rad u građevinama javne i poslovne namjene.

Novčanom kaznom u iznosu od 2.000,00 KM kazniće se za prekršaj iz stava 1. ovoga člana voditelj radova.

Član 63.

Novčanom kaznom u iznosu od 3.000,00 KM kazniće se pravno lice kao vlasnik građevine ako u građevini ne održava propisane uslove pristupačnosti i smanjuje uslove za upotrebu pomagala licima umanjenim tjelesnim mogućnostima.

Novčanom kaznom u iznosu od 1.500,00 KM kazniće se odgovorno lice u pravnom licu vlasnika ili korisnika građevine ako u građevini ne održava propisane uslove pristupačnosti i smanjuje uslove za upotrebu pomagala licima umanjenim tjelesnim mogućnostima.

Novčanom kaznom u iznosu od 1.000,00 KM kazniće se fizičko lice kao vlasnik građevine ako u građevini ne održava propisane uslove pristupačnosti i smanjuje uslove za upotrebu pomagala licima umanjenim tjelesnim mogućnostima.

VII. PRELAZNE I ZAVRŠNE ODREDBE

Član 64.

Na osnovu glavnog projekta u kojemu je tehničko rješenje pristupačnosti građevine dato prema odredbama Uredbe o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjenim tjelesnim mogućnostima ("Službene novine Federacije BiH", broj 10/04) izdaće se odobrenje za građenje, ako je zahtjev za izdavanje tog odobrenja zajedno s glavnim projektom podnesen do dana stupanja na snagu ove Uredbe.

Član 65.

Građevine javne i poslovne namjene moraju ispuniti uslove pristupačnosti propisane ovom Uredbom u roku od dvije godine od dana njenog stupanja na snagu.

Osim građevina iz stava 1. ovoga člana, stubišta u vanjskom prostoru namijenjena javnoj upotrebi moraju ispuniti uslove pristupačnosti propisane članom 11. stavom 1., al. 5. i 12. ove Uredbe u roku od jedne godine od dana njenog stupanja na snagu.

Član 66.

Sredstva za realizaciju odredaba ove Uredbe za prostore i građevine osiguravaju njihovi vlasnici koji mogu biti pravna i fizička lica.

Član 67.

Stupanjem na snagu ove Uredbe prestaje da važi Uredba o prostornim standardima, urbanističko-tehničkim uslovima i normativima za sprečavanje stvaranja svih barijera za lica sa umanjenim tjelesnim sposobnostima ("Službene novine Federacije BiH", broj 10/04).

Član 68.

Ova Uredba stupa na snagu osmog dana od dana objave u "Službenim novinama Federacije BiH".

V broj 502/09
16. jula 2009. godine
Sarajevo

Premijer
Mustafa Mujezinović, s. r.

PRILOG PRIKAZ OZNAKA PRISTUPAČNOSTI, UVJETA UPOTREBE POMAGALA I OBAVEZNIH ELEMENTATA PRISTUPAČNOSTI

Sve dimenzije na slikama u ovom Prilogu Uredbe izražene su u centimetrima.

Slika 1.:

Prikaz oznaka pristupačnosti iz člana 3. stava 1. Uredbe.


Dimenzije i boja svake oznake pristupačnosti te vrsta materijala iz kojeg je izrađena određuju se u odnosu na:

- podlogu na koju se oznaka postavlja,
- oblikovanje unutarašnjeg i/ili vanjskog prostora i
- udaljenost s koje osoba smanjene pokretljivosti mora moći oznaku uočiti.


Pri smanjenju i/ili povećanju pojedine oznake pristupačnosti ne mijenja se omjer (proporcija) grafičkih elemenata oznake, već se oznaka izvodi u skladu sa primjerima iz ove slike.




Slika 2. – Uvjeti upotrebe pomagala – prostor potreban za kretanje osoba u invalidskim kolicima – iz člana 6. stava 1. tačke 1. ove Uredbe





Slika 3. – Uvjeti upotrebe pomagala – prostor potreban za uporabu štapa, štaka i hodalice – iz člana 6. stava 1. tačke 2. ove Uredbe




Slika 4. – Uvjeti upotrebe pomagala - prostor potreban za upotrebu bijelog štapa i psa vodiča – iz člana 6. stava 1. tačke 3. ove Uredbe







Slika 7. – Rukohvati – iz člana 10. stava 2. tačka 8. ove Uredbe




Slika 8. – Stubište – iz člana 11. ove Uredbe




Slika 9. – Stubište širine stubišnog stepeništa/kraka od 250 i više – iz člana 11. stava 1. tačke 9. ove Uredbe




Slika 10. – Prostor ispod početne stubišne stepenice/ kraka – iz člana 11. stava 1. tačke 10, ove Uredbe




Slika 11. – Lift – iz člana 12. ove Uredbe



Slika 12. – Vertikalno podizna platforma – iz člana 13. ove Uredbe




Slika 13. – Koso podizna sklopiva platforma – iz člana 14. ove Uredbe




Slika 14. – Ulazni prostor – iz člana 16. ove Uredbe




Slika 15. – Komunikacije – iz člana 17. ove Uredbe




Slika 16. – WC – iz člana 18. ove Uredbe




Slika 17. – Kupatilo – iz člana 19. ove Uredbe




Slika 18. – Kuhinja – iz člana 20. ove Uredbe




Slika 19. – Soba – iz člana 21. ove Uredbe




Slika 20. – Učionica – iz člana 21. ove Uredbe




Slika 21. – Radni prostor – iz člana 21. ove Uredbe




Slika 22. – Stan – iz člana 22. ove Uredbe




Slika 23. – Stan/apartman – iz člana 22. ove Uredbe




Slika 24. – Kafana i restoran – iz člana 23. ove Uredbe




Slika 25. – Kabina za presvlačenje – iz člana 24. ove Uredbe




Slika 26. – Tuš kabina – iz člana 25. ove Uredbe




Slika 27. – Ulaz u vodu – iz člana 26. ove Uredbe




Slika 28. – Mjesto u gledalištu – iz člana 27. ove Uredbe




Slika 29. – Telefon, tekstofon, faks, bankomat – iz člana 28. ove Uredbe




Slika 30. – Kvaeke na vratima i prozorima – iz člana 30. ove Uredbe




Slika 31. – Šalter – iz člana 31. . ove Uredbe




Slika 32. – Stanica i peron – iz člana 37. ove Uredbe




Slika 33. – Parking mjesto u nizu – iz člana 38. stava 1. tačke 1. ove Uredbe




Slika 34. – Parking mjesto s međuprostorom – iz člana 38. stava 1. tačke 2. ove Uredbe




Slika 35. – Javna pješačka površina – iz člana 39. ove Uredbe




Slika 36. – Pješački prijelaz – iz člana 41, stava 1. tačke 2. ove Uredbe




Slika 37. – Pješački prijelaz na mjestu najmanje visine trotoara– iz člana 41. stava 1. tačke 3. ove Uredbe




Slika 38. – Pješački prijelaz izvan raskrsnice – iz člana 41. stava 1. tačke 4. ove Uredbe



Slika 39. – Pješački otok u razini ceste – iz člana 42. stava 1. tačke 2. ove Uredbe



Slika 40. – Pješački otok – iz člana 42. stava 1. tačke 3. ove Uredbe



Slika 41. – Raskrsnica – iz člana 43. ove Uredbe

